

影印
文淵閣

四庫全書

影印

文淵閣四庫全書

第一三九六冊

北京出版集團公司
北京出版社

本冊目次

皇 霸 文 紀
西 漢 文 紀

明 梅鼎祚編……………一

明 梅鼎祚編……………一八五

欽定四庫全書

集部
皇霸文紀卷二

詳校官庶吉士臣謝恭銘

主事銜臣徐以坤覆勘

總校官知縣臣繆琪

校對官中書臣朱烱

勝錄監生臣曹錫爵

欽定四庫全書

集部八

皇霸文紀目錄

總集類

卷一

神農氏

軒轅氏

高陽氏

女皇氏

陶唐氏

欽定四庫全書

皇霸文紀
目錄

有虞氏

卷二

夏

商

周

卷三

周二

卷四

周三

卷五

魯

齊

紀

卷六

晉

鄭

欽定四庫全書

聖朝文紀
目錄

宋

許

衛

卷七

衛二

卷八

吳

越

楚

卷九

燕

代

卷十

趙

魏

田齊

欽定四庫全書

聖朝文紀
目錄

卷十一

秦

卷十二

秦二

卷十三

左國國策附

臣等謹案皇朝文紀十三卷明梅鼎祚編鼎

祚字禹金宣城人嘗輯陳隋以前之文為文

紀以配馮惟訥詩紀此編上起古初下迄于
秦故曰皇霸文紀乃其書之第一集也洪荒
以降書契莫詳事尚無徵况其文字傳於後
者非漢代緯書之依託即戰國諸子之寓言
一槩裒存遂不免一真百偽至集古錄博古
圖考古圖所列諸銘名姓時代半屬臆求點
畫偏旁多緣附會劉楊異釋薛鄭殊音而確
定為某商某周編之簡牘實為失于闕疑甚

欽定四庫全書

皇朝文紀
目錄

至蓮磬銘六十三字惟錄篆文尤乖體例他
如穆天子傳詩序之類本各自為書亦登文
集則錄所不當錄屈原楚詞惟載三篇則刪
所不當刪何致之偽岫嵎碑楊慎之偽石鼓
文益出近代漫無考證大橫庚庚之兆且以
漢文誤入之皆輯錄之跡不可據為典要然
網羅繁富周秦以前之作莫備于斯蕪穢之
中菁英不乏陸機所謂雖榛楛之勿剪亦蒙

葺于集翠者也故病其濫而終取其博焉乾

隆四十五年二月恭校上

總纂官臣紀昀陸錫熊孫士毅

總校官臣陸費墀

欽定四庫全書

皇朝文紀
目錄

欽定四庫全書

皇霸文紀卷一

明 梅鼎祚 編

神農氏

炎帝

少典之子育于姜水以姜為姓又云國伊耆號伊耆氏又號烈山氏都于陳澗神部云姓伊耆

名執一日石年

位百四十五載

伊耆氏蜡辭種記郭特牲曰天子大蜡八伊耆氏蜡也者索也歲十二月

合聚萬物而索饗之也注云報成功于歲終又

以祈來年之始故祝之辭如此○炎帝神農氏其初國伊耆國者合而稱之故又號曰伊耆氏鼎按孔穎達正義云明堂位土鼓韋籥伊耆氏

欽定四庫全書

皇霸文紀

卷一

氏之樂熊氏云伊耆氏即神農也鄭玄注云伊耆也今博士家習禮者從之而主注先耆若神農者司耆后稷正義以神農既始蜡豈自祭其身以為先耆引皇氏云神農伊耆一代總號其子孫為天子者始為蜡祭其先祖造田者故有先耆也劉勰文心雕龍謂上皇祝文則因指神農矣愚臆謂蜡始伊耆辭不必其時出當是周漢間所傳用如紫露之求雨大卜之被龜耳故蔡邕獨斷止載云天子蜡而不言為神農為堯○劉勰文心雕龍云昔伊耆氏始蜡以祭八神上皇祝文及在茲矣舜之祠田利民之志頗形于言矣

土反其宅水歸其壑昆蟲毋作草木歸其澤

宅叶遠各澤叶遠

反各

土反其宅水歸其壑昆蟲毋作豐年若土歲取千百

獨斷

軒轅氏

神農軒轅並從蔡邕獨斷世紀帝居軒轅之邱因以為名又以為號一云國於有熊號有熊氏

左傳亦曰帝鴻氏○春秋元命苞禪通紀先自軒轅氏

黃帝

初姓公孫名荼又名軒字玄律史記名軒轅繼少典氏之國長於姬水更為姬姓邑于涿鹿之阿一云都彭城在位七十年乃少

典氏後代也史直作少典之子非

金人器銘

皇覽記引太公陰謀黃帝金人器銘云武王問尚父曰五帝之戒可得聞乎尚

欽定四庫全書

皇霸文紀

卷一

父曰黃帝之戒曰吾之居民上也推推恐夕不至朝故為金人三封其口曰○因學紀聞云漢藝文志黃帝銘六篇皇覽撰于魏文帝時漢七畧書猶存金人銘蓋六篇之一也鼎案孔子家語及劉向說苑並載為周廟器是在魏前文心雕龍以為周公今兩存之楊用脩古雋作五帝銘

古之慎言人也戒之哉無多言無多事多言多敗多事

多害安樂必戒無行所悔勿謂何傷其禍將長勿謂何

害其禍將大勿謂不聞神將伺人焰焰不滅炎炎若何

涓涓不塞終成江河綿綿不絕或成網羅豪末不札

札

將尋斧柯誠能慎之福之根也曰是何傷禍之門也強

梁者不得其死好勝者必遇其敵盜憎主人民怨其上

君子知天下之不可上也故下之知衆人之不可先也

故後之溫恭慎德使人慕之執雌持下人莫踰之人皆

趨彼我獨守此人皆惑之我獨不徙內藏乃智不示人

技我雖尊高人弗我害惟能於此也江海雖左長於百

川以其卑也天道無親常與善人戒之哉首句一有我字

巾几銘

蔡邕銘論云黃帝有巾几之法孔甲有盤玉之戒漢藝文志黃帝銘六篇

欽定四庫全書

皇朝文獻

無掘壑而附邱無舍本而治末日中必萑操刀必割執

斧必伐日中不萑是謂失時操刀不割是謂失利執斧

不伐賊人將來涓涓不塞將為江河熒熒不救炎炎奈

何兩葉不去將用斧柯利音梨來叶陵之反○楊用脩云此銘漢以下文人多引用不見其全惟見於兵書如此

○涓涓六句見前銘小異

巾几銘

予居民上搖搖恐夕不至朝惕惕恐朝不及夕兢兢慄

慄日慎一日人莫躋于山而躋于堙叶徒吉反○兢兢以下淮南子作堯

戒小異

巾几銘

路史

毋弇弱毋肥德毋違同母教禮毋謀非德毋犯非義

金華鼎銘

金華山黃帝作一鼎高一丈三尺大如十石貌像龍騰雲百神蟄默滿其中腹

篆書三足其文曰

真金作鼎百神率伏

虞荔鼎錄

丹書

路史黃帝天下已治百令具舉猶且卹然神藥形如用作成于丹書故作巾几之銘又著

瑞書乃命史甲盤行邊豆缶鏡矧履與席巾枕戶牖一著銘詩以獨經其闕注云凡二十六篇

欽定四庫全書

皇朝文獻

昔周公述之于成王並見大戴禮蔡邕銘論漢志孔甲盤孟二十六篇○鼎按大戴禮尚父述

丹書于武王王退而為戒書注援周公述于成王而以戒銘為孔甲所作猶異當以太戴禮為

正

施舍在心平不幸乃弗聞過禍福在所密存亡在所用

下匿其私用試其上上操度量以割其下上下一日百

戰

瑞書

此即大戴禮尚父述于武王為黃帝丹書者也

敬勝怠者吉怠勝敬者滅義勝欲者從欲勝義者凶凡

事不彊則枉不敬則不正枉者滅廢敬者萬世

禁重教

路史黃帝處中央而政四國分八節以紀農功命天中建皇極乃下教

聲禁重色禁重香禁重味禁重室禁重

命嫫母辭

呂氏春秋遇合篇人之於色也無不知說美者而美者未必遇也故嫫母執乎

黃帝黃帝曰嫫母貌惡德克為黃帝次妃

屬女德而弗忘與女正而弗衰雖惡奚傷

言教屬女以婦德而不忘

夫付與女以內政而不衰故雖醜何傷

誨顓頊

呂氏春秋云維秦八年歲在涓離秋甲子朔朔之日良人請問十二紀文信侯曰嘗

欽定四庫全書

得學黃帝之所以誨顓頊矣

爰有大圖在上大矩在下汝能灋之為民父母

錄圖文

河圖挺輔佐黃帝游於河洛至澤鴻之泉有大鱸魚負圖以授帝圖葉朱文名曰錄

國○一作錄圖

渾渾鳴鳴勞勞雉與物俱化

此錄圖中文也

黃帝世識言

竹書紀年

西北為王期在甲子昌制命發行誅旦行道

沈約宋書符瑞志引

載云及周公劉之後十三世而生李歷李歷生文王昌昌生武王發周公旦

有姦氏頌

莊子天運篇云北門成問於黃帝曰帝張咸池之樂於洞庭之野吾始聞之懼復聞之怠卒聞

之惑蕩蕩然然乃不自得帝曰天機不張而五官皆備此之謂天樂無言而心說故有姦氏為之頌乃無聲之樂樂之至也○鼎案陳士元荒史云莊子稱有姦氏有泰氏路史著論於禪通紀柏皇之下世次莫數則猶以有其人矣莊多寓言焉問其人與世也此與天元冊文皆是擬撰並託黃帝故附其末○姦音衍

聽之不聞其聲視之不見其形充滿天地苞裹六極

太始天元冊文

素問天元紀云黃帝問鬼臾區曰願聞五運之主時也何如鬼臾區曰五氣運行各

終暮歲非獨主時也臣積考太始天元冊文○注云此太古占候靈文洎乎伏羲之時已謁諸玉版命曰策文鬼臾區十世祖始誦而行之○宋王應麟云古詩之體始於此然伊川謂素問出於戰國之末鼎謂非也古文

欽定四庫全書

多韻語即周易且然不必為詩

太虛廖廓肇基化元萬物資始五運終天布氣真靈總統坤元

九星懸朗七曜周旋曰陰曰陽曰柔曰剛幽顯既位寒暑弛張

生生化化品物咸章

倉頡

世本云沮誦倉頡為黃帝左右史世紀云黃帝史官生而能書初制文字春秋元命包作倉帝史皇氏名頡姓

侯罔侈哆四目靈光次在禪通紀伏羲之前春秋命歷序演孔圖及崔瑗曹植輩並云古帝章謚傳玄皇甫謐及衛子注荀子注周禮疏拾遺記並云黃帝史臣今從之○佛藏法苑珠林云昔造書之主凡有三人長名曰梵其書右行次曰佉盧其書左行少者倉頡其書下行梵佉盧居于天竺黃帝史倉頡在于中夏梵佉取法于淨天倉頡因華于

鳥跡文畫識
異傳理則同

龜書文

河圖玉版云倉頡為帝南巡登陽虛之山臨于玄

十八字景刻于陽虛之石室李斯只識八字○鼎案楊

慎云為帝南巡作一句為音去聲言奉黃帝命而代

南巡也亦言黃帝史臣矣羅泌字革路史注引河圖玉

版靈龜負書以授帝謂倉頡也又注云昔周初有於倉

頡墓下得石刻藏之書府至秦李斯辨其八字云上

垂命皇辟迷王或云叔孫通識十二字而不傳妄也任

昉云周人不能辨而斯通識之予不信者詳攷二句乃

冠謙所纂黑帝安和國主禁文也據此則既非龜書之

文亦非墓下石刻矣

○墓下一作墓中

上天垂命皇辟迭王

欽定四庫全書

三皇策典

出三墳宋羅泌路史著辨云山氣形謂之三墳

生動長育止殺謂之歸藏而形墳則言天地日月山川

雲氣謂之坤乾復有河圖姓紀與天皇策辭地皇政典

之類大率似假義炎黃帝為言以遷就於孔說淺鄙備

見是豈隆古包氏語哉有如以燧人為提捷之子有巢

為燧人之子伏羲為有巢之子軒轅百皇大庭无懷則

皆以為伏羲之臣而加之龍官火紀之號尤可斬也王

應麟困學紀聞云三墳書無傳密儀唯易存而商高所

云周天應度管子所云造六釜以迎陰陽者不復見許

此三篇皆篆字乃上古三皇書也不見姓名且
宗時此即其人唐末妄作矣然羅玉皆不語及
序則序又後人所增耳今聊附存以著其偽

天皇伏羲氏皇策

昔在天皇居於君位咨於將咨於相咨於民垂皇策

辭皇曰惟我生無道承父居方三十二易草木上升

君位我父燧皇歸世未降河圖生民結繩而無不信

於未甲八太七成三十二易草木惟我老極時生人

衆多羣羣蟲聚欲相吞害惟天至仁於草生月天雨

欽定四庫全書

降河龍馬負圖神開我心子其未生我畫八卦自上

而下咸安其居後二成二十二易草木皇曰命子襄

居我飛龍之位主我圖文代我咨於四方上下無或

私襄曰咸若咨衆之辭君無念哉後一易草木皇曰

命子英居我潛龍之位主我陰陽甲歷咨於四方上

下無或差英曰依其法亦順君無念哉皇曰無為後

二十二易草木吳英氏進歷於君曰歷起甲寅皇曰

甲日寅辰乃鳩衆於傳教臺告民示始甲寅易二月

天王升傳教臺乃集生民后女媧子無分臣工大小
列之右上相共工下相皇桓飛龍朱襄氏潛龍昊英
氏居君左右栗陸氏居北赫胥氏居南昆連氏居西
葛天氏居東陰康氏居下九州之牧各統其人羣居
於外皇曰咨予上相共工我惟老極無為子惟扶我
正道咨告於民俾知甲歷日月歲時自茲始無或不
記子勿怠共工曰工居君臣之位無有勞君其念哉
皇曰下相皇桓我惟老極無為子惟扶我正道撫愛

下民同力咨告於民俾知甲歷日月歲時自茲始無
或不記子其勿怠桓曰居君臣之位無有勞君其念
哉皇曰栗陸子居我水龍之位主養草木開道泉源
無或失時子其勿怠陸曰竭力於民君其念哉皇曰
大庭主我屋室視民之未居者喻之借力同構其居
無或寒凍庭曰順民之辭皇曰陰康子居水土俾民
居處無或漂流勤於道達於下康曰順君之辭皇曰
渾沌子居我降龍之位惟主於民皇曰昆連子主我

刀斧無俾野獸犧虎之類傷殘生命無俾同類大力
之徒區遂微弱子其伏之連曰專主兵事君無念哉
皇曰四方之君咸順我辭則世無害惟愛於民則位
不危皇曰子無懷安惟安於民民安子安民危子危
子其念哉

人皇神農氏政典

政典曰惟天生民惟君奉天惟食喪祭衣服教化一
歸於政皇曰我惟生無德咸若古政嗟爾四方之君

有官有業乃子乃父乃兄乃弟無亂於政昔二君始
王未有書契結繩而治交易而生亦惟歸政昔在
天皇肇修文教始畫八卦明君臣民物陰陽兵象以
代結繩之政出言惟辭制器惟象動作惟變卜筮惟
占天皇氏歸氣我惟代政惟若古道以立政皇曰正
天時因地利惟厚於民民惟邦本食惟民天農不正
食不豐民不正業不專惟民有數惟食有節惟農有
教翰林生人無亂政政典曰君正一道二三凶臣

正一德有常吉時正惟四亂時不植氣正惟和氣亂
作厲官正惟百民正惟四色正惟五惟質惟良病正
四百四藥正三百六十五過數乃亂而昏而毒道正
常過政反僻刑正平過政反私祿正滿過政反侈禮
正度過政反僭樂正和過政反流治正簡過政反亂
喪正哀過政反遊干戈正亂過政反危市肆正貨過
政反邪譏禁正非過政失用皇曰嗟爾有官有業乃
子乃父乃兄乃弟咸若我辭一歸於正皇曰君相信

任惟正相君備位惟忠相官統治惟公官相代位惟
勤民官撫愛惟仁官民事上惟業父無不義厥子惟
孝兄無不友厥弟惟恭夫不遊妻不淫師不急教不
失刑者形也形爾身道者導也導爾志禮者制也制
爾情樂者和也和爾聲政者正也正其事

地皇軒轅氏政典

皇曰嗟爾天師備相正五百官士子農夫商人工技
咸若我言政典曰國無邪教市無淫貨地無荒土官

無濫士邑無游民山不童澤不涸其正道至矣正道
至則官有常職民有常業父子不背恩夫婦不背情
兄弟不去義禽獸不失長草木不失生政典曰方圓
角直曲邪凹凸必有形遠近高下長短疾緩必有制
寒暑燥濕風雨逆順必有時金木水火土石羽毛必
有濟布帛桑麻筋角齒革必有用百工器用必有制
聖人治天下權以聚財財以施智智以備賢賢以輔
道道以統下下以事上上以施仁仁以保位位以制

義義以備禮禮以制情情以敦信信以一德德以明
行行以崇教教以歸政政以崇化化以順性性以存
命命以保生生以終壽皇曰岐伯天師爾司日月星
辰陰陽歷數爾正爾考無有差貸先時者殺不及時
者殺爾惟戒哉皇曰后土中正爾識山川草木蟲魚
鳥獸爾掌爾察無亂田制以作田訟爾惟念哉皇曰
龍東正爾分爵祿賢智爾咨爾行無掩大賢以眩財
無庇惡德以私賞皇曰融南正爾平禮服祭祀爾正

惟無亂國制以僭上無廢祀事以簡恭爾惟念哉皇

日太封西正爾分干戈刑法爾掌爾平皇曰太常北

正爾居田制民事爾訓爾均百工惟良山川爾圖爾

惟勤恭哉皇曰天師備相五正百官士子農夫商人

工技咸順我言終身於休

高陽氏

帝顓頊

姬姓黃帝曾孫名顓頊兆跡高陽以高陽為氏都帝丘在位七十六載

勇令

乃勇令曰○史記在五帝紀次黃帝

欽定四庫全書

皇極經世

母慢制母漁民貴臣驕而弗諛男女不相辟于道者拂

之四達之衢

女皇氏

妣媯

密儀女弟風姓一曰以雲紀姓代密儀立號女皇氏一曰女希氏都于中皇山之原在位百三十載司馬貞以伏羲女媯神農為三皇

易傳

占詞

太吳氏衰其工作亂振滔洪水女媯滅共工而遷之然後四極正冀州寧於是乘雷車輻六翼以御天中祠祝而枚占之占者曰吉徵也乃設雲帳而致神明道標萬物神化七十見淮

南子路史

昭昭九州日月代極平均土地合和萬國

陶唐氏

帝堯

姓伊者曰放勳帝嘗子初封陶侯徙封于唐嘗長子擊立不善諸侯尊堯為天子都平陽在位百載輝

堯戒

淮南子人間訓堯戒曰

戰戰慄慄日慎一日人莫蹟於山而蹟於蛭

蹟蹟也蛭蟻也叶徙

反吉

雒壁書

尚書中候曰帝堯率羣臣東沈于雒刻壁書

欽定四庫全書

皇極經世

天子臣放勳德薄施行不元

元善也

堯母龍圖文

竹書紀年云堯母慶都觀于三河常有龍隨之一旦龍負圖而至其文要云既而陰風四合赤龍感之乎十四月而生堯於丹陵其狀如圖○宋書符瑞志引載

永受天祐眉八彩鬚髮長七尺二寸面銳上豐下足履

翼宿

帝堯碑赤龍負圖出慶都蹟之云永受天運其下國人衣赤衣臂負尺餘長七尺二寸堯上豐下足履翼星題曰赤

有虞氏

帝舜

姓姚曰重華虞幕之後都蒲坂在位四十八載禪于夏

祠田辭

文心雕龍○因學紀開引尸子曰舜兼愛百姓務利天下其田也荷彼耒耜耕彼南

荷此長耜耕彼南畝四海俱有

龍圖文

論語此考帝堯率舜等游于首山觀河渚有五老游河渚一曰河圖將來告帝期二曰河圖將來告帝謀三曰河圖將來告帝書四曰河圖將來告帝圖五曰河圖將來告帝符有項亦龍街玉苞舒圖刻版題命可卷金泥玉檢封盛書戒曰知我者重瞳也五老乃為流星上入昂黃姚視之龍沒圖在堯等共發曰

帝當樞百則禪于虞

欽定四庫全書

河圖告舜文

竹書紀年堯將以天下禪舜乃修壇場於河洛率舜等升首山遵河渚有五老游焉蓋五星之精也相謂曰河圖將來告帝以期知我者重瞳黃姚五老因飛為流星上入昂二月辛丑昧明禮備至於日昃沈璧於河榮光出河休氣四塞白雲起回風搖乃有龍馬街甲赤文綠色緣壇而上吐甲圖而去其圖以白玉為檢赤土為泥似黃金約以青繩檢文言虞夏當受天命帝寫其言藏于東序○宋書符瑞志引載言虞夏殷周秦漢當受天命

聞色授帝舜

皇霸文紀卷一

欽定四庫全書

皇霸文紀卷二

明梅鼎祚編

夏

禹王

如姓名曰文命崇伯鯀子堯時封于夏受虞禪都安邑在位八歲○孔安國云堯舜禹湯皆名史記帝王世紀名文命

箕簋銘

禹子云禹之治天下也以五聲聽門懸鐘簋馬○文心雕龍云大禹勒簡簋而招諫

教寡人以道者擊鼓教寡人以義者擊鍾教寡人以事

欽定四庫全書

者振鐸語寡人以憂者擊磬語寡人以獄訟者揮鞀

夏箴

漢家周書文傳解云文王受命九年時維暮春在部台太子發曰吾語汝所保所守厚德廣惠忠信愛人土多民少則內亡守土少人多則民失業是故土多發政以消四方四方流之土少安帑而外其務方輸夏箴曰云云開望曰土廣無守可襲伐土狹無食可圖竭二禍之來不稱之災天有四殃水旱饑荒其至無時非務積聚何以備之夏箴曰○孔晁注開望古書名楊周修古文韻語作開望箴非

中不容利民乃外次

又箴

小人無兼年之食遇天饑妻子非其有也大夫無兼年之食遇天饑臣妾與焉非其有也國君無兼年之食遇

天饑百姓非其有也戒之哉弗思弗行至無日矣

峒嶼禹碑

徐靈期衡山記云夏禹導水通瀆刻石書名山之高王象之輿地記云禹碑在峒嶼峰又傳在衡山縣雲密峯宋嘉定中蜀士因樵人引至其所以紙搨其碑七十二字刻于後亡

承帝曰嗟騷輔佐卿水處與登鳥獸之門參身洪流而

明發爾興久旅忘家宿嶽麓庭智營形折心罔弗辰往

欽定四庫全書

皇朝文獻卷二

求平定華岳太衡宗疏事哀勞餘伸裡鬱塞昏徙南瀆

衍亨衣制食備萬國其寧竄舞永奔

水處讀作洲渚○楊月修云鄒道元

水經注禹治洪水血馬祭衡山於是得金簡玉字之書

按省玉字通水理也或曰此即金簡玉字之文云劉禹錫寄呂衡州化光詩云傳聞祝融峯上有神禹銘古石琅玕安秘文龍虎形崔融云於鑠大禹顯允天德龍畫

傍分螺書圖刻韓退之詩峒嶼山尖神禹碑字青石亦形模奇又云千搜萬索何處有森森綠樹猿猴悲蓋亦

求之而未得見也韓文考異遂謂退之詩為傳聞之誤

夔州觀刻後亦磨滅近張季文食憲在長沙得之云是

宋嘉定中何致字子一者模刻嶽麓書院斯文顯晦信有神物護持哉

廬山紫霄峯禹刻

與地志江西廬山紫霄下有石室中有禹刻篆文有好事者絕

而入舉之凡七十餘字止有鴻荒漾余乃樁也
辨○鼎按史記禹治水山行乘樁此或好事者

鴻荒漾余乃樁

慎又觀水經注廬山之南有上霄石高石志其里數丈尺今猶得刻石之號焉九江中孤石在落星石傍介立大湖中周迴一里疎立百丈上生林木而飛禽不集者舊相傳昔禹治水至此刻石紀功會稽覆釜山亦有禹書任昉述異記曰空同山有堯碑禹碑皆科斗書淳化帖首有禹篆十二字蜀田陳崑山有自然仙篆以紙摹之形類禹刻何者詩鳥書蟲文不可識如讀峒嶼神禹碑禹遺跡靈秘如此號曰神禹有跡也

玉牒文

湘中記曰衡山有玉牒禹業其文以治水還望衡山如陣雲威弘之荆州記禹登南

欽定四庫全書

皇朝文獻卷二

藏而祭之獲金簡玉字之書○後漢郎國志注引載

祝融司方發其英沐日浴月百寶生

后啓

禹之子在位十歲

鑄鼎絲

墨子耕柱篇夏后開使蜚廉折金於山川而陶埴之於昆吾是使蜚廉折金於山川

龜曰鼎成三足而方不炊而自烹不舉而自臧不遷而自行以祭於昆吾之墟上鄉人言兆之

繇曰饗矣云云夏后氏失之般人受之般人失之周人受之夏后殷周之相受也數百歲矣使

聖人聚其良臣與其祭相而諫豈能知數百歲之後哉而鬼神知之是故曰鬼神之明智於聖

人也猶聰耳明目之與聾瞽也○案今傳墨子所載雖必路史王應麟玉海小異○路史引墨

子云夏后開命飛廉析金于山而陶鑄之于昆
吾作九鼎鼎成而方不炊自烹不舉自藏不動
自鑄不遷自行國象萬物于鼎則以祭昆吾之
墟使翁難雉乙灼于白若之龜錄曰云云一云
禹也歸藏云啓筮徙九鼎果徙之則此筮徙也
○玉海引墨子卜於白若之龜曰鼎成四尺而
方不炊而自烹不舉而自藏不遷而自行祭於
昆吾之墟乙又言此之錄曰云云因學紀聞云
大卜三兆其頌皆千有二百夏后鑄鼎錄以下
懿氏占成季卜驪姬術侯及漢大兆皆龜錄也
逢逢白雲一南一北一西一東九鼎既成遷于三國

帝癸

一名樂后發
子殷湯所殺

伐唐兆辭

歸藏樂筮伐有唐
枚於焚感曰不吉

欽定四庫全書

皇朝文獻
卷二

不利出征惟利安處彼為狸我為鼠勿用作事恐傷其

父

羿妻筮辭

歸藏羿請不死之藥于西王母羿妻竊
之以奔月筮于有黃有黃占之曰吉

翩翩歸妹獨將西行逢天晦芒母驚母恐後且大昌

且靈

其憲作

連山繇

山海經義和帝俊之
妻生十日注引啓筮

空桑之蒼蒼八極之既張乃有夫義和是主日月職出

入以為晦明

商

商王成湯

子姓名履帝嚳子契之後嗣為商侯十
七年而滅夏踐天子位十三年都亳

湯盤銘

九年

苟日新日日新又日新

商鼎銘

三十四字○國語郭偃曰商之
衰也其銘有之謂鼎銘之成也

廉謙之德不足就也不可以矜而祇取憂也廉謙之食
不足狃也不能為膏而祇離咎也

憂叶於
救反

商父乙鼎銘

二十七字

欽定四庫全書

皇朝文獻
卷二

庚午王命寢廟辰見北田四品十二月作冊友史錫賴

貝用作父乙尊廿冊

宣和博古圖云按友史者太史也
曰友者如成王稱太史友之類所

以尊之也古者太史順時視土蓋農官耳說文曰房星為
辰田侯也今曰辰見則農當舉趾故命以北田四品所以
授民時也昔者貨貝而寶龜曰錫賴貝者說文以賴為
贏言錫貝之多也此商人作之以享父乙于寢廟而言
乃及此者蓋寢廟宗廟也書曰用命賞于祖在宗廟之
中作冊以錫有功是亦賞于祖之意乙之號其在商也
有天子有祖乙有武乙而惟太丁之子止曰乙
且此言父乙蓋不知其為何乙也○徐獻忠云此宗廟
之器其訓錫臣工者下多用
冊冊二字並列此商制也

商兄癸癸銘

二十六字○呂
大臨考古圖

丁子王錫爵丙申貝在寒立用作兄癸癸十九月惟王

九祀世昌正

周注云右得于鄭按河宜甲居相即鄭郡其文又稱九祀為商器無疑云兄癸者商

以兄弟相及之辭也故祀其先王或稱祖如祖丁之類或稱父若父辛旅癸之類或稱兄若此癸之類商人質無謚皆以甲乙記徐獻忠云丁子剛系不相配合與乙子相類○鼎案穆天子傳五在寒下注云未詳

商兄癸癸銘

二十五字○宣和博古圖二圖所載二器形模雖同疎緻少異

丁子王錫爵丙申貝在寒用作兄癸癸十九月惟王九祀

世昌丁

象形鬲字○著以鬲形者古人於酒器多以此為飾故尊也爵也皆作此狀蓋欲如鬲之炊氣

上下交通而已

欽定四庫全書

皇朝文獻卷二

商父丁癸銘

四十一字考古圖

乙酉商貝王曰不

原闕

毛玄曾不戎備生武乙四日惟

王六祀四日惟內役敢商盟正

疑丘字

用作父丁尊癸示

子

徐獻忠云此文多疑字商器銘文簡省無成章

商母乙貞銘

十一字博古圖

丙寅王錫貝朋用作母乙癸

是貞乃王錫臣工以追享其母氏也

商箴

呂氏春秋名類篇引商箴云以言禍福人或召之也

天降災布祥並有其職

楊用修古文韻語載商箴云天曰順順維止地曰固固維寧人

曰信信維聽業此乃呂氏春秋序意篇中語未詳何出以為商箴

桑林禱辭

荀子大略屬湯之時大旱七年翦髮斷爪以身為犧牲禱于桑林之野以六事

自責曰何不雨至斯極也言未已大雨

政不節與使民疾與宮室崇與婦謁盛與苞苴行與讒

夫興與

節叶即盛叶成○說苑湯使人持三足鼎祝山川教之祝曰政不節耶使人疾耶苞苴行耶讒

夫昌耶宮室崇耶女謁成耶何不雨之極也

同前

墨子兼愛篇湯貴天子然且不憚以身為犧牲以詞說于上帝鬼神

惟予小子履敢用玄牡告于皇天后帝曰今天大旱即

欽定四庫全書

皇朝文獻卷二

當朕身履未知得罪于上下有善不敢蔽有罪不敢赦

簡在帝心萬方有罪即當朕身朕身有罪無及萬方

同前

呂氏春秋湯五年旱翦髮劇子自以為牲禱辭曰

余一人有罪無及萬夫萬夫有罪在余一人無以一人

之不敏使上帝鬼神傷民之命

湯嫁妹之辭

京房易傳

無以天子之尊而乘諸侯無以天子之富而驕諸侯陰

之從陽女之順夫本天地之義也往事爾夫必以禮義